

pen drauff gemahlet; Item/einer jklichen Zunft Sendene Fähnlein / lange fliegende Striemen oder Flammen/so wol köstliche Umbhänge / mit ihren sonderlichen Wapenen / auff daß eine jede Bruder : oder Gesellschafft desto besser für der andern zu erkennen seyn möchte / besticket vnd gestaffiret waren.

Die Fenster / Erckere vnd Ausladungen der Häuser / waren zur Strassen warts herrlich bekleydet vnd bedeket / mit Harras / Seidenen Decken / Depichten / vnd andern köstlichen Umbhängen.

Ihre Königliche Mayesteten beyde / erzeigten sich in diesem ganzen Zuge / gegen der grossen vber schwenglichen menge Volckes / so da in den Fenstern liegend / auff den Strassen / Gassen vñ Plätzen / stunden vnd zusahen / mit Gebeerden ganz freundlichst / vnd liessen dardurch alle Liebe vñd zuneigende Gunst / gegen männiglichem gnedigst vermercken.

Vnd wie sie in die Cheapside (das ist die vornembste Gasse der Stadt) kamen / vñ den grossen Brunnen vörben zogen / war daselbst mit grünen Zweigen vnd Laub / ein künstlicher Baum / so mit allerley arth / schöner / lustiger / anmutiger vnd behägliches Früchte gezieret / gemacht: In welchem dann auch eine gar liebliche Musica, die da alle Zuhörer sehr erlustigte / vnd zweiffels ohne / ihrer Königlichen Mayesteten wolgefiele / gestellet.

Da sie aber förder ritten / stunde bey dem kleinen Brunnen auffgericht / ein gar stattlicher Triumphbogen oder *Triumphbogen* herrs